# Universal Declaration of Human Rights - Krio

© 1996 – 2009 The Office of the High Commissioner for Human Rights

This HTML version prepared by the *UDHR* in *Unicode* project, <a href="http://www.unicode.org/udhr">http://www.unicode.org/udhr</a>.

### Tenki Tenki

Wi de tel tenk to Yunayted Neshon Ay Komishona fo Yuman Rayt fo we dem pe fo dis wok ya.

Di Nashonal Komishon fo Demokrasi en Yuman Rayt na dem put dis Deklareshon na wi yon Sa Lon languej dem.

Wi de tel plenti tenki to di posin we ton di inglish languej to krio, di wan we hep fo chek di wok en di man we dro dem pikcho, Adams, Bangura, en Miss Patience Boknor we tayp

# Di Stetment Bot Di Rayt Den We olman na Di Wol Fo Get

Wetin Kam Bifo (Introdokshon)

Soso we if wi sabi ɛn gri se if ɔlman gɛt insɛf yon rɛspɛkt, i ikwal ɛn gɛt di sem rayt lɛk ɛni ɔda pɔsin ɔloba di wɔl, dɛn di wanol wɔ1 sɛf go gɛt fridɔm, jɔstis ɛn pis; as tiŋ dɛn we wikɛd pasmak dɔn apin bikɔs pipul dɛm nɔ wan fɔ gri se ɔlman ikwal.

Di tiŋ we di kɔmɔn man want pas ɔltin na di wɔl tide na fɔ mek ɛvribɔdi ebul fɔ se wetin i fil, ɔ tink bay aw tiŋ de bi, fɔ biliv wetin i want fɔ biliv ɛn gɛt bɛnifit frɔm ɔl wetin i nid, wit kolat.

If man fo liv wit kolat en no get fo de fet fo in yon yon rayt, den i impotant fo mek di lo protekt da rayt de;

Na semweso i gud fo le kolat en frenship de bitwin neshon en neshon den.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man o uman, diffrens no fo de, en di Yunayted Neshon do mekop den maynd fo mek olman liv with kolat en respekt usay i de en get itwal chans fo du wetin den sabi fo du.

Na semweso di memba kontri den na di Yunayted Neshon don gri fo joynan en mek sho se den go get fridom, jostis en pis sote go.

Fo mek dis wanwod ol wata oloba di wol, evribodi foondastand wetin den rayt en den fridom, jostis en pis yaso min.

so, lε wi si,

Di Jeneral Asembli

don tok naw se,

Dis stetment bot di rayt we olman olsay na di wol fo get, fo bi sem fool kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oloba di wol pipul den go get fridom, jostis en pis.

## Atikul Wan

evribodi bon fri en get in yon rayt, non wan no pas in kompin. Wi ol ebul fo tink en fenot wetin rayt en ron pantap dat wi fo sabi aw fo liv lek wan big famili.

#### Atikul Tu

evribodi fo get di sem rayt en fridom we dis stetment tok bot, no mata weda in na wetman o blakman, man o uman, bukman o yu no sabi rid en rayt, poman o moniman, kristien o muslim.

Pantap dat, di kontri we di posin bon sef no fo bi baria na in we. I fo get ikwal rayt lek eni oda posin na di best divelop kontri na di wol.

#### Atikul Tri

Evribodi fo ebul fo liv in layf, fo fil fri en fo fil sef se nobodi o natin no go denja in layf.

### Atikul Fo

Nobodi no fo mek in kompin in slev – dis, osnitin ssf we fiba am fo tap.

# Atikul Fayv

Nobodi no fo mek in kompin sofa bita wiked pen na bodi o shem sote i los da in yon yon respekt.

## Atikul Siks

evribodi get rayt fo mek pipul den respekt am as motalman enisay na di wol en, sef, fo mek di loep am get dis respekt.

#### Atikul Sevin

εvribodi ikwal εn di lo fo ebul protekt εniwan wantεm we oda pipul dεn na trit wan du am wetin in motalman rayt no gri foo if bad pipul se oda wan agens am.

#### Atikul Et

εvribodi we tink se dεn don go agens in rayt we dis stetmεnt tok bot, fo ebul gεt ol di εp we i nid from εni kotos we gεt pawa na in kontri.

## Atikul Nayn

Nobodi no fo arest, jel o dreb eni posin komot na in yon kontri jes bikes i fil fo du so.

#### Atikul Ten

enibodi we den arest fo tin we i du agens di lo, fo get ful protekshon from Loya den we go tinap fo am na kotos.

### Atikul Ilevin

- 1. Enibodi we den ker go kot fo tin we den se i du agens di lo fo get di rayt fo se in no du da tin de en di kot fo biliv am. I go lef wit di kot naw fo pruv se i du am na poblik trayal usay insef go get in yon Loya den we go fet in kes fo am.
- 2. Nobodi no fo pas jojment se posin gilti o iponish da posin de fo lek big ofens we pas wetin i du  $\varepsilon$  sef, we notoofens insay in yon kontri ooda kontri den na di wol.

## Atikul Twelv

Nobodi no get rayt fo intafia as i lek wit oda posin in kolat, in fambul, in om en in leta den we oda pipul rayt to am, o ivin tray fo pwel in gudnem o in respekt. Di lo fo protekt evribodi fo den kanaba molesteshon yaso.

#### Atikul Totin

- 1. Evribodi get rayt fo go enisay en tap enisay na eni pan di kontri den we de na di Yunayted Neshon; pantap dat, i fri fo komot na in kontri peniwan pan di kontri den na di Yunayted Neshon en ton bak kam na in yon kontri we i pliz.
- 2. [Missing?]

### Atikul Fotin

- 1. Enibodi we tink se in layf de pan denja get di rayt fo aks mek den alaw am, en in fo get da pamishon de fo tap na eni oda kontri na di wol. Bot, if di rizin we mek da posin de wan komot na in kontri go tap odasay no get natin fo du with politiks, o na tin we di Yunayted Neshon stetment de agens, den i no go get da rayt de.
- 2. [Missing?]

#### Atikul Fiftin

- 1. ɛvribɔdi gɛt rayt fɔ gɛt wan kɔntri we i go kɔl in yon.
- 2. Nobodi no get rayt, jes bikos i fil so, fo, mek sombodi no ebul fo kol in kontri in yon igen, en, pantap dat, nobodi no get da pawa de fo tap enibodi we want fo chenj di kontri we i go kol in yon.

### Atikul Sikstin

- 1. εNi man εn uman we dɔn ɔfej, no mata if dɛn tu nɔ to di sem trayb, kɔla ɔ rilijɔn, gɛt di rayt fɔ mared, bɔn pikin ɛn bigin dɛn yon famili. Dɛn fɔ gɛt di sem rayt as maredman ɛn mareduman, ivin if di mared brok sɛf.
- 2. Fo mek di mared get minin, di man en di uman fo no plen wan wetin den de du en den fo gri fo bi man en wef.
- 3. [Missing?]

### Atikul Sevintin

- 1. evibodi get rayt fo get propati fo insef o fo joyn wit oda pipul den en get di propati.
- 2. Nobodi no fo tek ɛni posin in yon propati komot na in an we i jɛs fil nomo fo du so.

### Atikul Etin

εvibodi get rayt fo tink aw i want, fil aw i want bot enitin we de apin enisay, εn joyn eni grup ο choch ceni oda God wok fo prez God di we i fil, igen sef, i fri fo chenj in grup ο choch en ivin di we aw i fil bot God; pantap dat, i fri fo woship in wangren ο wit oda pipul den na poblik ο prayvet.

# Atikul Nayntin

evribodi get rayt fo tink wetin i fil en fo se wetin i fil. Dis min igen se nobodi no fo ambogin eni oda posin bikos of wetin i fil o biliv. I get di raty fo sho, tok bot, fala o ivin tich wetin i biliv to oda posin den, ilek usay o uskayn we i pas di wod.

## Atikul Twenti

- 1. εvribodi fri fo bi mεmba of εni grup we i chuz wans nomo den no de du εnitin de fo brin ambog o trobul na di kontri.
- 2. Nobodi no fo fos eni posin fo jony eni grup we i no want fo joyn.

#### Atikul Twenti Wan

- 1. Evribodi get rayt fo du wetin i ebul du foep di govament of in kontri. I kin du dis if i wok wit di govament o if i vot fo pipul den we go wok wit di govament.
- 2. Evribodi get di sem rayt fo yuz ol govament propati we de fo di poblik.
- 3. Wetin di pipul den want nain di govament fo du. Di pipul den go sho wetin den want we den wan we don big du fo vot go vot na jenaral ilekshon from tem to tem. Nobodi no fo fos den, nobodi no fo tap den fo fri fo vot usay nobodi no go si den, en fo udat den want.

### Atikul Twenti Tu

evribodi get rayt foekspekt in kontri fo protekt am en gi am chans fo divelop insef enisay en bi sombdi wit respekt en we go ebul insef pan wok o biznes o stodi te in kontri kin si am as wan posin we fo abop pan.

## Atikul Twenti Tri

- 1. Evribodi get rayt fo wok, fo du di wok we i lek en fo get gud pe fo di wok we i de du.
- 2. Evribodi fo get di sem pe fo di sem wok.
- 3. evribodi we de wok get rayt fo get di kayn pe we go mek in en in famili ebul fo liv lek nomal motalman den, en if i posibul sef, den kin get oda kayn ep fo mek layf bete fo den.
- 4. ɛvribɔdi gɛt rayt fɔ fɔrm tred Yuniɔn ɔ jɔyn an as wokman ɔ wokuman fɔ mek nɔbɔdi nɔ tinap pan dɛn rayt na di wokples.

#### Atikul Twenti Fo

ενribodi gεt rayt fo rest εn rilaks in bodi, insay dat, dεn fo rest afta dεn don wok don ενride. Pantap dat, dεn fo get tεm we dεn go go olide (ενri ia liv) εn gεt dεn pe fo da liv tεm de.

# Atikul Twenti Fayv

- 1. Evibodi get rayt fo liv di kaynaba layf we go mek in en in famili den no sik, i fo ebul get tin fo it, klos, os, meresin en i fo ebul abop se if tiŋ bad fo am na layf, leke i sik, in patna o pikin sik, i lef wok, day mit am o i kam ol tumos, i go get ep from di govament.
- 2. Lili pikin ɛn mami we gɛt pikin gɛt rayt fɔ gɛt spɛshal ɛp ɛn dis ɛp nɔ fɔ difrɛn ivin if nɔtɔ di maredwɛf bɛn di pikin. Maredwɛf pikin ɛn switat pikin fɔ gɛt di sem tritmɛnt ɛn bɛnifit ɔlsay.

#### Atikul Twenti Siks

- 1. evribodi get rayt fo get edyukeshon; elimentri en praymari fo bi fri, en elimentri en praymari edyukeshon fo bi bay fos, bay kompel. enibodi we want, kin get di kayn edukeshon we go tren am fo speshal jab den. Yunivasiti edyukeshon go de foenibodi we want am, en we fit fo get am.
- 2. ɛdyukeshən go tren di lana fə gro fə rɛspɛkt di rayt ɛn fridəm we ɔda pipul dɛn gɛt. I go mek pipul dɛn ebul fə liv togɛda nə mata wɛda dɛn de na di sem kəntri ə səm bi frəm ɔda kəntri, wɛda dɛn gɛt di sem kəla ə dɛn ivin jəyn di sem rilijən; dis go ɛp mek di Yunaytɛd Neshən dɛn wok fə gɛt pis ɛn kolat əlsay na di wəl izi.
- 3. Na di mami en di dadi fo disayd uskayn edyukeshon den pikin fo get; if den no ebul o den no de, den, oda posin kin du am.

#### Atikul Twenti Sevin

- 1. ɛvribɔdi gɛt rayt fɔ tek pat pan ɔl dɛn kaynaba aktiviti we blant in kɔntri lɛkɛ di siŋɛn dans, di dresin ɛn di pichɔ drɔin dɛn we de sho tiŋ dɛn bɔt in kɔntri. I gɛt di rayt igen sɛf fɔ tek pat ɛn bɛnifit frɔm di gud tiŋs dɛn we sayɛns dɔn briŋ kam na in kɔntri.
- 2. Evribodi get rayt fo kip en enjoy as in yon enitin we insef fenot, du o rayt insay sayeens, raytin drama ple aktin.

### Atikul Twenti Et

evribodi get rayt fo benifit from grup we get pawa oloba di wol fo mek sho se evribodi go enjoy den rayt en fridom den we dis stetment tok bot.

## Atikul Twenti Nayn

- 1. Evribodi get in yon wok we in fo du na in sosayti fo mek sho se i go liv api en ful layf insay de.
- 2. We posin de tray foenjoy in rayt den en in fridom den na sosayti, i fo memba se di lo de fo mek sho se i memba se oda posin densef get den yon rayt en fridom we i fo respekt so dat oda en kolat go de olobot (olsay).
- 3. Den rayt en fridom den ya we de na dis stetment we komot na Yunayted Neshon na fo mek pipul den get pis en kolat na den kontri. Nobodi no fo tray fo mek pipul den fo get oda tiŋ pas dat.

## Atikul Tati

Natin no de insay pan den stetment yaso we min bad foeni posin o grup of posin insay eni kontri so, mek nobodi no fil dat.